

欽定剿平三省邪匪方略

欽定剿平三省邪匪方略正編卷十一

丙辰年

六月初二日

丙子

孫士毅奏言

臣

駐兵老寨距旗

鼓寨賊屯三十五里中隔上寨毛壩紅巖堡等

處其上寨賊匪早經遁去毛壩賊匪聚散無常

惟紅巖堡一處集匪數千恃有旗鼓寨接應公

然設立賊卡

臣

處兵數雖屬無多尙可足用是

以不及等候土兵卽於五月十一日戌刻令候

補副將何元卿等各帶兵勇進發時值久雨之後山根處處阻水深者丈許淺處亦四五尺由澗谷通道前進夜半望見樹林內隱隱有賊我兵直前剿殺賊從林內突出二三千人搶入我兵隊內希圖夜間服色混淆不便剿殺

臣營盤

兵勇平日俱給有紅布清文兵勇大字凡夜間進兵于前心後背各縫一塊易於認識是夜星

月甚朗一目了然我兵齊用短兵痛加殲戮賊
匪紛紛倒地餘卽駭逃避擊呂朝龍知紅巖堡
後路有溪河一道搭有浮橋密派千總葛天培
帶領鄉勇從旁路將浮橋拆斷賊人被我兵一
路趕殺所存已不及半迨逃至河邊見橋已拆
去赴水亂竄正值溪河盛漲逃回旗鼓寨十不
剩一擒獲活賊三名訊知自臣駐劄老寨以後

賊人將所存口糧等物均運往旗鼓寨祇留三千餘人在紅巖堡左右山坳分作四五處埋伏伺察官兵動靜臣當將三犯寸磔梟示其將弁人等乘夜追剿實爲奮勇出力內遊擊呂朝龍都司何天標守備蘇榮煥千總葛天培勞績尤著可否請

旨將該四員以應陞之缺補用以示獎勵再旗鼓寨

賊巢距

臣

現在紅巖堡營盤約有十里

臣

在山

頂瞭望凡賊巢內木城瓦屋草房厯厯在目賊

匪所佔祇此一隅一俟機有可乘

臣

卽商之福

寧併力夾攻不復等候士兵久延時日現在連

日派令脩弁到處搜山所有紅巖堡賊匪實已

盡數殲除不留遺孽再查馬鬃嶺一路爲賊匪

闌入咸豐要道茲賊匪等因官兵四路阻截突

於五月初七初十日兩次厚集匪徒分路搶上
馬鬃嶺山梁揚言不奪不休捨命衝突經副將
樊繼祖守備譚公義悉力堵剿復經防守蘇家
堡之守備靳文銓帶兵前往痛加殲戮賊勢方
挫把總宋宗泗帶傷殺賊頗爲出力並有咸豐
縣典史梁脩翹等亦督率鄉勇協力剿殺

臣聞

信知賊匪過多復派候補叅將孫起龍帶兵從

小路前進賊人見官兵雲集方始潰逃奏入

上命軍機大臣傳諭孫士毅曰紅巖堡賊匪恃有旗鼓寨接應設立賊卡偵探官兵經孫士毅督兵剿殺遊擊呂朝龍派令千總葛天培帶領鄉勇將浮橋拆斷官兵奮力追捕大挫賊鋒呂朝龍葛天培均著加恩卽行陞用先行賞給陞銜頂戴其帶兵出力之都司何天標守備蘇榮煥亦著以應陞之

缺酌量陞用傷亡兵勇均著咨部從優卹賞至馬
鬃嶺爲賊匪竄入咸豐要路屢次衝突經副將樊
繼祖守脩譚公義等悉力堵剿賊始潰逃樊繼祖
譚公義前已有旨以應陞之缺陞用樊繼祖著再
加恩賞戴花翎守脩靳文銓前亦有旨以遊擊超
補其殺賊出力之叅將孫起龍典史梁脩翽把總
宋宗泗俱著以應陞之缺陞用所有此次紅巖堡

馬鬃嶺兩處打仗出力兵丁著查明賞給一月錢糧

初三日丁丑景安奏言臣與鎮臣德齡於十八日

行抵湖河口探得迤南一帶尙有賊匪屯聚臣

一面安設營卡德齡卽帶兵馳剿行至三官廟

地方見有賊匪在彼焚掠不意大兵猝至鎗礮兼施賊衆卽行敗退查湖河口以南十餘里有

棗陽之唐子山東連桐栢大山北倚唐縣交界

最爲要隘

臣

連夜分兵前往唐子山紮營以絕

賊匪東北窺伺入山要路自十九至二十一等

日大雨如注現在設法疏消積水道路漸可行

走德齡隨卽帶領晉兵由三官廟追壓賊匪至

草店紮營

臣

將湖河口唐子山二處安插官兵

鄉勇妥協後亦卽前往會剿

同日秦承恩奏言查保康以南糧臺因喇叭洞
尙有餘孽道路恐有疎虞楚省未能接辦仍係

陝省派員備供又襄陽一帶亦准畢沅咨撥銀

糧經臣派員運赴鄖陽接濟茲恒瑞承保先後

馳赴襄陽文圖已將喇叭洞賊匪剿滅亦卽前

赴巴東長陽協剿所有原設臺員自應撤令回

陝惟復業難民當賊匪蹂躪之後亟須妥爲撫

卹前經派委督糧道孫藩督率襄陽府知府張
方理鄖陽府知府王正常分段查辦茲據查明
戶口確數先行賑給一月口糧被焚房屋照例
給子修費並酌借籽種趕種秋糧現已及時長
發城鄉市鎮安堵如故但距秋收尙早應請再
行展賑以資接濟且聞賑歸來之戶絡繹不絕
尤須大員認真稽察隨時安撫方得實惠在民

擬仍留孫藩在鄖督辦查孫藩自軍興以來
總理糧臺迅速妥協三月十四日火藥鉛彈解
至保豐腰站賊匪從小路抄出欲行搶奪該道
聞信卽帶領兵役親往追捕得保無虞至鄖陽
地方人心甫定不可不酌量留兵暫爲防守查
保康一縣與宜昌府屬之興山東湖襄陽府屬
之南漳穀城等處犬牙交錯跬步皆山擬派署

遊擊朱進廷等帶兵四百名駐守並於適中之
竹山縣留兵二百名以資策應俱交孫藩統領
約束務俾兵民相安無事又與安居漢江上游
界連川楚向設總兵駐劄府城今文圖帶領鎮
屬兵丁赴楚協剿存城兵力稍單臣現將各處
防守之兵酌量減撤約仍留一千之數飭交總
兵德光漢興道文需會同率領以壯聲威仍俟

楚省大局平靜卽同派赴鄖陽防兵一併撤回
歸伍再與安府屬之平利安康白河洵陽四縣
萬山叢雜在在與鄖陽府屬緊連水陸卡隘甚
多調到之兵不敷防守經各地方官團集鄉勇
協同堵禦臣已酌給社糧以資口食但所聚鄉
勇皆係里民多有不知紀律聚散自由恐難得
力臣復揀派妥員分往各縣挑選精壯鄉勇一

二千餘名不等日給工價口食錢文酌派緊要
卡隘紿以軍器隨同兵役專心晝夜巡邏逃竄
之賊不令一名闖入境內又探得從逆匪徒爲
賊役使奔走甚苦臣複製辦號衣號帽上寫良
民二字賞給鄉勇穿戴令其歡欣踴躍居前捍
衛使賊匪見官長愛惜良善心生羨慕散其固
結邪念極爲有益今鄖陽府屬全就肅清此項

鄉勇已次第全行裁撤至深山僻壤尙有民間
自脩鄉勇防護田廬仍應聽其自便惟盤獲匪
徒責令送官究治不許擅殺以杜狹嫌逞忿之
漸均奏入報

聞

初四日

戊寅

恒瑞永保慶成明亮鄂輝奏言本月

二十三日

臣

等鼓勵將士盡力前行於二十五

日分派各隊官兵進至王家岡地方離東陽三十餘里與曲家灣蔣家冲等處賊寨相近賊匪膽敢分股前來迎敵又有賊匪數百欲抄裹官兵後路因見兩邊馬隊未敢繞過復經官兵衝突卽行退回先是臣恒瑞明亮率領巴圖魯侍衛及將脩等帶領馬兵在左邊近村樹林內設伏以待臣永保鄂輝及總兵富成率同將脩分

帶官兵迎擊大隊之賊臣慶成帶領巴圖魯侍

衛並直隸將備及馬上鎗箭各兵以遏西北後

路詎賊匪大肆鴟張迎隊撲來臣永保等一路

官兵鎗礮齊發立斃數十人臣恒瑞慶成明亮

各率官兵復於左右縱橫衝突賊衆大敗此次

共殺賊三四百人因天色已晚又復風雨驟至

當於高阜處所屯劄一面調移營盤是夜大雨

如注官兵露處次日卽在王家岡地方暫息兵力現在差探縣城附近雖有賊營數處城內有都司王化龍帶兵防守甚嚴似可無虞賊匪現仍在曲家灣蔣家沖等處屯聚冀阻官兵前赴棗陽之路臣等一面差探情形相機攻剿一面設法招撫被裹良民以分賊勢

恒瑞永保慶成明亮鄂輝又奏言查總兵楊秀

帶兵先由商州陸路直赴呂堰因路途泥濘兵

丁步履馱載難行該鎮親至官莊軍營臣等遵

旨傳知令其帶兵回至襄陽卽由大路速赴長陽與

文圖合兵會剿楊秀卽於是日起程嗣接督臣

畢沅札稱鍾祥縣告急飛飭楊秀帶兵堵截查

鍾祥爲下游門戶若有疎虞所關非細前因該

處需兵防範已令總兵彭之年率同叅將廣福

領兵三百餘名前往防守適接文圖報稱於十
九日已到長陽今總兵楊秀必由宜城經過去
鍾祥不遠臣等卽飛札楊秀令其順道先赴鍾
祥會同彭之年嚴加堵截相機辦理奏入

上命軍機大臣傳諭恒瑞永保曰此次恒瑞等分派
官兵在王家岡地方進擊賊匪追剿數里殲賊甚
多雖賊匪漸就潰散但未能擒獲首惡捕淨餘黨

肅清地方尙不滿意兵丁等追殺賊匪後又值大雨中夜露處實堪矜憫著查明各賞給一月錢糧以示體恤都司王化龍在棗陽縣帶兵禦賊防守嚴密亦著恒瑞等咨部議敘至延綏官兵本令前赴榔坪一帶幫同文圖搜捕林之華等今旣據恒瑞等稱鍾祥地方緊要急需防堵調令該鎮順道前往堵截亦祇可如此辦理俟該處賊匪剿淨仍

當令楊秀速赴榔坪幫同文圖剿捕賊匪擒拏賊首以期迅速集事

初七日辛巳成德惠齡富志那奏言查灌灣腦賊

巢四面各卡惟王母洞深冲腦綿羊腦三處山勢較高爲賊巢蔽障奪得一處卽從此路併力進攻一破賊巢其餘各卡不攻自潰隨遣人偵探據稱賊匪因官兵均在山前攻打其王母洞

一帶防守稍疎且賊匪屯有麥糧正在打晒

臣

等隨密抽精兵八百名又挑選鄉勇一千名

臣

成德率領弁兵由鳳凰觀山北黃家莊進攻

臣

富志那率領弁兵從陳家湖小路前往王母洞

獅眠坳山溝埋伏以截賊匪救應復令副前鋒

叅領塔思哈等帶兵聽聞鎗礮聲響卽攻打土

地嶺賊卡其雞公山蔡家坡等處仍令叅將程

鵬翼等用礮轟擊以分賊勢臣惠齡在後策應

二十六日丑刻同時進發賊人在山頂鳴鑼火

彈石子拋擲如雨我兵奮力撲至山半急用鎗

礮上攻賊亦用鎗抗拒臣惠齡密遣署縣丞張

世維等別從陳家湖覓路直至王母洞山後潛

向賊巢堆麥處所拋擲火彈一時燒燃山上火

焰衝天賊衆慌亂逃竄各將弁等奮勇直登山

頂賊匪着鎗中箭墜巖落澗者不計其數割獲
首級三十二顆生擒三名將王母洞賊卡奪獲
當_臣等上山攻卡時見一賊身穿白衣率領匪
徒二千餘人直撲下溝正遇關騰等伏兵驟起
又經_臣惠齡等由山之左右繞出與關騰合兵
一處殺斃賊匪百餘名白衣賊匪指揮號召抵
死不退_臣成德於山頂上親放鳥鎗應聲而倒

將弁等乘勝追剿復生擒賊匪彭濤鄧立性二
名割獲首級二十八顆時已天晚卽於王母洞
紮駐塔思哈等乘賊匪奔救王母洞時亦將土
地嶺賊卡奪獲生擒賊匪三名臣等訊明白衣
賊匪卽係頭目劉盛鳴現守王母洞卡之頭目
劉洪林亦被官兵殺死惟查王母洞山梁相離
較遠當將石灰口營盤移至黃家莊駐劄以期

前後各營聲勢聯絡再臣惠齡據臬司張長庚

稟稱署宜昌府通判木特布在平善壩守卡於

五月二十四日盤獲奸細馮見詳一犯訊稱苗

明魁等在獺洞聚有多人欲往榔坪入夥先令

該犯前往通信木特布卽日帶領鄉勇馳往獺

洞搜捕苗明魁等竟敢率衆抗拒經木特布督

率鄉勇殺死二十九名生擒苗明魁習士彥二

名訊據供稱二月內同韓士孝等糾衆在楊樹
坪搶劫被官兵剿散後現又糾約餘匪欲投榔
坪入夥等情實屬罪大惡極當將苗明魁凌遲
處死習士彥等一併梟示奏入

上命軍機大臣傳諭惠齡曰惠齡偵探賊匪在王母
洞一帶防守稍疎卽督兵分路進擊將王母洞土
地嶺兩處卡隘奪獲並鎗斃賊目劉盛鳴所辦畧

強人意但劉盛鳴祇係賊中頭目必須將首逆張
正謨擒獲其餘匪黨始可紛紛瓦解且賊匪卡隘
甚多今祇奪獲王母洞土地嶺二處此外險要處
所急須奮力進攻直搗賊巢擒拏賊首惠齡惟當
倍加奮勉於恒瑞未到之前卽將賊首及匪黨等
悉數殲擒若再稽延時日直待恒瑞等帶兵到彼
始行蕝事則惠齡更有何顏耶至通判木特布盤

獲賊匪訊出苗明魁等欲往榔坪入夥卽帶領鄉勇前往搜捕拏獲審明正法尙屬留心能事木特布著卽以同知陞用並著賞戴藍翎

初九日癸未畢沅舒亮奏言查當陽東門城濠值

大雨時行之後山水陡漲兵勇艱於涉渡二十

二日雨勢稍止水亦漸落臣等督令連夜砍伐

柳枝填濠上加土袋一面挑兵在東門缺口伺

隙扒城一面在西南北多備雲梯以期同時直
上二十三日黎明親率各將備兵勇分投進攻
乃賊匪於西南北三面俱集衆死守東門兵勇
甫經過濠一至缺口人人奮勇爭先而缺口礮
轟已久盡成浮土久雨之後泥濘陷足不能一
擁而入雖有趨健兵勇奮身縱上數人奈缺口
之內築有子墻子墻之外又用綿絮浸濕逐層

遮擋以禦鎗礮連登數次皆被賊礮石攔住未能躍入因密偵城內賊糧漸缺惟每日備辦乾糧自欲裹帶逃竄莫若佯爲偃兵專於缺口施放鎗礮虛作攻打之勢另於三面要隘處所預設伏兵以待賊出攔截痛剿並密撥兵勇於營盤附近藏匿俟賊出截殺之際一擁入城

臣等

八派已定伺至二十五六兩日天氣放晴二十

七日黎明賊果潛由北門遁出約四五百人正
遇伏兵猝起迎面對擊鎗箭齊發賊衆驟不及
防帶鎗着箭轉身奔逃副都統成德等率領兵
勇追至城根其西南兩路伏兵署鎮黃瑞等亦
聞聲疾馳而至城上賊匪連放鎗礮抗拒雖被
接應逃入已擊殺一百餘人帶傷者不計其數
維時江西叅將花連布正在東門一聞北面鎗

礮知伏兵已起卽用柳枝土袋將濠水填塞奮
勇趨過詎意賊於東門缺口仍前抵死拒守見
我兵大至灰瓶亂石密下弁兵用擋牌遮護人
人奮勇衝冒直前花連布連用火箭射上兵勇
俱各拋擲火彈臣舒亮目擊賊衆着火撲倒者
甚多花連布首先攀援上坡兵勇百餘人亦卽
緊隨搶上賊人忽於城頂拋下火彈密驟如雨

我兵並不稍退花連布頭面兩膀俱受火傷備
兵亦各帶傷兵勇間有傷亡俟查明另行咨部
因在半坡泥潭之中勢難直上惟近日投出良
民甚多據供城中糧已將盡甚形慌亂意欲分
起潛逃今甫得突出又被官兵殺退逃遁無門
勢將潰竄事機可期順利惟乞

聖慈少寬垂厪

臣

等現在整頓兵力激勵將備務期

旦晚得手完善歲事再查孝感賊匪現據藩司
祖之望等稟報賊衆聚於胡家砦已陸續調兵
八百名分駐縣城楊店兩處相機夾剿各要隘
俱集有鄉勇四路堵截不致蔓延俟續調江西
兵到便可一鼓殲擒查該砦地方多係水田並
無山險可恃兵勇四圍把守賊衆已不能四出
爲患計續調之江西兵一千名卽日可到

臣先

經札商明亮可否分來孝感茲接伊回信因襄陽正在喫緊未克分身查此時孝感有水攔阻自應以襄陽爲尤重聞該處軍威甚壯屢次克捷掃殄必速臣已飛札知會囑令專力襄陽尅日蕺事此時先派臣標署中軍副將額勒金保攜帶礮位趕赴孝感相機進剿又德安營叅將劉景齡在隨州聞有孝感之信卽領兵六十名

趕赴幫剿與江西領兵官署遊擊福寧阿分路
前進劉景齡同把總蔡國棟先遇賊衆不知下
落已飭確查二員蹤跡照例辦理臣現諄囑各
將備四面嚴截以杜賊竄奏入

上命軍機大臣傳諭永保畢沅曰當陽賊匪圍困日
久早已勢窮力蹙今旣因糧食將盡潛由北門逃
出正應乘機截殺悉數殲擒乃畢沅等不但不能

入城搜捕而於出城奔逃之賊仍被接應竄回賁
屬無能又據稱賊人於缺口內築有子牆牆外又
用綿絮浸濕逐層遮擋以禦鎗礮等語此斷非倉
猝所能辦理畢沅如果能上緊攻圍賊匪方救死
之不暇豈能糾集人夫從容爲此備禦之計非畢
沅等曠日持久與賊以暇而何畢沅著嚴行申飭
看來畢沅竟一籌莫展且總兵楊秀所帶之兵本

令前赴榔坪剿賊而畢沅復調往鍾祥現在宜綿
又派副將百祥帶兵一千各由興山一路前赴歸
州巴東若再紛紛檄調則帶兵鎮將無所適從於
剿捕機宜殊有關係且兵力宜合不宜分惟當擇
其緊要處所併力肅清一處則聲威壯盛自可乘
勝掃除今零星調撥疲于奔命似此漫無紀律何
以集事必須有一人總統調度方可事權歸一永

保曾經軍旅較爲厯練所有楚北軍務竟專交永保一人督率調度卽與署理督篆無異庶事有責成而帶兵鎮將等有所稟命於剿捕可期得力永保務須倍加奮勉悉心籌辦以副委任倘經理稍有未妥則惟永保是問此次上城殺賊致受火傷之叅將花連布著賞戴花翎

十一日乙酉恒瑞永保景安慶成明亮鄂輝奏言

臣

等前次移營後連日大雨如注初一日午後

天色稍霽差探賊匪于附近棗陽高阜之地逐

段聯營爲阻遏官兵之計當卽鼓勵將士於初

二日黎明

臣

恒瑞永保總兵富成帶兵由棗陽

縣西北之草市前進

臣

慶成明亮鄂輝帶兵直

赴蔣家壩兩路一齊進攻一面知會

臣

景安德

齡亦于是日移兵草市由北向南進攻以爲聲

援^臣等分路隨剿隨進將近蔣家壩賊匪一見

官兵到來公然排列向前迎敵^臣慶成明亮鄂

輝親督官兵施放鎗礮賊人站立不住卽行敗

退官兵趁勢追殺甚多其時草市之賊聞信前

來希圖牽掣官兵^臣恒瑞永保富成領兵繞道

突出衝入賊隊當此雨後泥濘賊匪猝被衝擊

不戰自亂官兵奮勇爭先鎗刺箭射殺賊不計

其數

臣

等兩路乘勝追殺數里賊匪拋棄帳房

車輛紛紛涉渡滾河逃竄奪獲鎗矛等物均卽

分賞官兵將所乘車輛立卽燒燬因一路多有

低凹水田路雜泥深又兼山水漲發賊匪雖退

未便輕率遠進查棗陽附近賊匪俱經逃竄滾

河以南其曲家灣賊人亦逃過滾河是棗陽縣

城業已解圍附近廓清路徑已通正在商同前

進初三日又復大雨連宵達旦初五日方漸停
止現在差探賊匪又歸一處屯聚一面踴明路
徑稍俟天晴卽設法取道渡河剿洗並令德齡
所帶之兵移至棗陽西面附近屯紮以張聲勢
更可相機併力進剿

恒瑞景安慶成明亮鄂輝又奏言竊永保接奉
速往孝感之

諭旨卽與

臣

等商酌急欲帶領官兵千餘名迅速前

往但

臣

等自呂堰驛合兵以來凡進兵調度全

賴永保料理指揮

臣

恒瑞前在鄖陽各屬剿辦

賊匪實皆永保調度

臣

慶成自抵河南與永保

會晤公同帶兵打仗以來見其不避嫌怨深得

領兵大臣之體

臣

等再四商留而永保心懸孝

感逼近省垣現無官兵堵剿固係籌度事之緩

急惟現據畢沅來信孝感逆賊業經

奏請令

臣

明亮馳往

臣

等再四籌酌襄陽剿辦賊

匪大局永保實不可少而孝感之事明亮到彼

相機辦理或可期於集事是以公同商酌卽將

明亮原帶之固原兵五百名並派巴圖魯侍衛

六員滿兵一百名帶往孝感剿辦合無仰懇

皇上天恩俯准將永保暫留襄陽一帶統率剿辦於

軍務實有裨益

同日景安奏言現在棗陽之圍已解賊匪南渡
滾河已距豫境百餘里其間均係前經賊匪屯
聚焚掠之處甫經剿定難保無餘匪潛匿臣不
敢深入楚境卽由棗陽回駐南陽一帶防堵並
搜捕竄匪督辦撫綏事宜再現在滾河以南賊
匪尙多恒瑞等所帶兵五千餘名正需剿捕不

能再留臣現以本省兵數百名並多募鄉勇于
唐子山湖河口倉臺水臺新店舖等處分撥防
守彈壓並無綏豫楚交界被擾村莊均奏入

上命軍機大臣傳諭永保恒瑞明亮景安慶成曰東
陽西北一帶現已肅清其剿散之賊又向東南奔
竄與舊有賊匪盤踞山梁此時天氣自己晴霽永
保等務須倍加奮勉跟蹤追殺速行搜捕淨盡現

在審訊解到之賊犯曾世興等據供劉之協姚之
富張富國爲邪教首犯都在襄陽彭家疇左近居
住爲賊匪主謀看來賊匪首逆竟在襄陽一帶勾
結屯聚不可不乘此兵威勝勢速爲擒捕永保等
必須將供出有名賊首悉數擒獲則渠魁已得其
附從夥黨自必紛紛瓦解可以不攻而潰至棗陽
賊匪剿散後難保無餘匪竄入豫境景安自應回

駐南陽防堵惟當盡心查察勿任竄逃餘匪稍有
滋蔓首逆劉之協等或聞湖北查拏緊急潛入豫
境亦未可定並着景安督率所屬留心偵緝爲要
再昨因畢沅在當陽一籌莫展惟知紛紛檄調以
致將領無所適從已降旨專交永保總統督辦以
期事權歸一調度合宜今恒瑞景安懇留永保督
辦適與朕昨旨相合而永保並不稍存拘泥亦能

知事體緩急均堪嘉獎永保恒瑞明亮景安慶成
鄂輝俱著各賞給金盒大小荷包行軍之道全在
和衷今永保恒瑞等皆能以公事爲重同心併力
鼓勇直前自可尅期集事但剿捕賊匪總以擒獲
首逆爲要雖據奏鎗箭斃賊不計其數究有若干
如劉之協姚之富等賊首曾否殲斃若賊首未能
殲斃徒將被裹平民殺戮雖多何益而賊首等竄

往他處仍可勾連煽聚豈能一鼓撲滅此次恩賞
永保等物件因其彼此和衷加之獎資並非因殺
賊之功也

同日

上又命軍機大臣傳諭永保恒瑞明亮曰前據恒瑞
等奏棗陽附近雖有賊營數處相離皆有五六里
城內都司王化龍防守甚爲嚴緊可以無虞今復

稱縣城之圍已解究竟該處賊匪曾否攻圍縣城
抑祇在附近窺伺若賊匪曾經攻打城池都司王
化龍及該縣知縣能竭力守禦保固城池卽當交
部議敘以示鼓勵地方文武遇有賊匪滋擾不能
實力防範致有疎失者固當治以應得之罪而能
固守無虞亦不可不加以獎勵着永保等查明具
奏再降諭旨將來孝感地方剿捕事竣亦着照此

辦理

同日

上又命軍機大臣傳諭永保恒瑞蘇凌阿張誠基曰
本日軍機大臣提訊在鄭陽一帶隨同滋擾之夥
匪曾世興祁中耀二犯俱供邪教實係劉之協是
老師傅在姚之富家曾經見過此外姚之富張富
國高成功俱係爲首之人多在襄陽彭家疇左近

居住高成功因從前犯案已經正法姚之富張富國此時必同劉之協在襄陽一帶劉之協姚之富人極狡詐不肯在賊營居住多在附近村莊藏匿暗出主意等語劉之協一犯爲邪教案內罪魁屢經嚴緝未獲姚之富張富國隨同煽誘均係緊要賊犯今據曾世興等供稱俱曾在襄陽姚之富家見過劉之協並稱該犯等同在襄陽附近村莊內

居住暗出主意是前在呂堰樊城一帶滋擾賊匪
必係劉之協姚之富等爲首已無疑義現在官莊
及王家岡蔣家壩等處之賊劉之協必在其內雖
經永保恒瑞等屢次剿殺未經擒獲首惡今旣得
有蹤跡著傳諭永保恒瑞等於追剿賊匪時務須
將劉之協姚之富張富國三犯設法生擒仍于被
賊劫掠各村莊內分撥明幹大員留心搜捕如該

犯等盤踞在內卽可立時拏獲至該犯等家屬現在是否尙在襄陽抑或隨在賊營並飭襄陽道府確查辦理總之劉之協等首惡一擒其餘匪徒自必潰散又據會世興等供姚之富家挖有地窖劉之協向會藏匿主謀此時襄陽有徐昭德烏什哈達帶兵駐守復有襄陽道府在彼並着永保等飛札徐昭德烏什哈達等會同胡齊崙於彭家驤一

帶賊匪住居處所留心查察若劉之協等窮蹙無
歸仍回至姚之富家地窖內藏匿便可立時擒拏
再劉之協本係安徽太和縣人或見湖北地方逃
逸無門竄歸本籍亦未可定並着傳諭蘇凌阿張
誠基密飭所屬不動聲色於該犯原籍地方密訪
嚴查認真跡捕查察倘劉之協又復潛回本籍別
有勾結情事則惟該督撫是問

欽定剿平三省邪匪方略正編卷十二

丙辰年

六月十六日

庚寅

景安奏言伏查襄陽以北新野

以南湖北之呂堰雙溝夾河洲三合鎮一帶村

莊多被賊匪蹂躪居民遷徙廬井一空

臣

於行

軍經過目擊情形實堪憫惻而豫省鄧州新野

邊境亦有被賊焚掠村莊自廓清以後遷避之

民扶老携幼漸次歸業其間被賊裹去逃回暨

曾經習教從賊見賊已潰敗潛自逃回者亦復不少此時應於撫綏之中密寓防範之意誠恐地方官辦理寬嚴失當或又激成事端況太原鎮德齡所帶兵一千名因棗陽迤南賊匪尚多正需剿捕難以再分而南陽邊境東西數百里既無重兵彈壓臣實不敢遠離當卽由棗陽回駐豫楚交界現在督飭地方官設法安撫留心

稽查使良民各安本業秀民悔過遷善幸今歲
收成甚好可冀漸次復元至孝感教匪滋事距
河南之信陽羅山甚近臣已於各處防禦兵內
酌量抽撥四五百名合之該處本汛兵共有七
百餘名飭令南汝光道陳鍾琛署汝寧營叅將
常山會同該府州縣擇險據要嚴密堵截不得
稍涉張皇致駭觀聽

同日祖之望奏言孝感賊匪俱聚集胡家砦探得該處西面倚靠山崗山下卽胡家鄉竹樹繞砦其餘三面田疇交錯縱橫十餘里中有溪河一道砦之兩旁若余家鄉魏家冲黃金廟李家祠堂等處皆爲賊佔踞砦內男婦約二千餘人

臣

隨移飭在事文武各員踴明路徑通盤籌酌

楊店在賊巢之東縣城在賊巢之西今於東面

之四里廟方家集茶菴橋北面之五桂市西面
之道士店南面之孫家橋漣川舖等處分派兵
勇擇要紮卡漸漸逼近再行相機合剿旋奉督
撫臣札已會商奏請頭等侍衛明亮領兵前來
臣恐在事各員因此觀望坐待或賊匪聞風先
遁諄囑嚴密堵防不可遷延坐失事機亦不可
冒昧輕進各該員自五月十五日接仗以後賊

匪避匿不出止於附近零星村落間出燒搶楊
店一路節據知府圖桑阿知縣張能祐稟稱十
九日賊至李家砦抄搶糧石該員等卽知會江
西領兵官哈豐阿督率兵勇前往殺斃十餘人
生擒周有貴等三人正法二十二日府經歷張
曰瑞盤獲賊匪劉紹倫一名據供叅將劉景齡
把總蔡國棟實係被害銅印一顆現在賊首胡

添泰處砦內頭目三十六人多係孝感本地人
也有從襄陽來的不知姓名因來打聽官兵消
息致被拿獲等語訊明後卽時正法二十四日
圖桑阿張能祐會同江西領兵叅將傅成明都
司哈豐阿各帶兵勇剿捕生擒龔正華等三名
鄉勇楊接枝等殺賊四名內有匪僧一名武童
楊忠朝鎗斃賊匪一名賊仍逃入砦內當將龔

正華等訊明正法出力兵勇量加獎賞其縣城
一路據該署縣沈琦並督臣派往之武黃同知
陳元京稟稱五月十九日守卡鄉耆嚴道生義
勇周士冕盤獲探聽信息奸匪三名正法二十
三日嚴道生盤獲假充鄉勇之奸細鮑有林一
名亦經訊明正法六月初七八等日連接署漢
黃德道祥鸞知府圖桑阿知縣張能祐稟稱兩

路領兵官等於初五日卯時進兵合剿都司福
寧阿千總茹亮領兵從縣城一路進至賊匪原
住之李家祠堂劉家大灣鮑家灣等處遇賊數
百人正在挖取埋存糧食福寧阿帶領兵勇一
擁上前鎗斃刀砍賊匪一百餘名生擒六名割
獲首級六十七顆把總馬文亮趕殺賊匪失足
跌塘被害署道祥鸞帶領同知陳元京巡檢童

兆槐亦督率兵勇趕至復殺數十人將李家祠堂等處挖出糧食及房屋盡行燒燬其楊店官兵亦照祥鸞指定地方進發詎賊先於黃金廟密林中埋伏千餘人突出抄截官兵分投迎敵擊死賊匪一百餘人傷斃數十人賊衆抵死圍裹叅將傅成明都司哈豐阿各受重傷經守備陳之壯督同兵勇搶出知縣張能祐亦馳往應

援賊匪始解散歸砦傅以明哈豐阿旋各因傷身故兵勇亦間有傷亡云

皇上特派永保領兵督剿又添調江西壯健兵一千

名前來臣現在稟奉督臣檄派署副將巴圖魯

額勒金保署叅領明安山暫爲總統隨照會督

撫兩標挑兵六十名又於存駐省城漢鎮江西

官兵內各抽撥一百名均其分領前往並探得

江西頭起官兵五百名已於本月初二日起程
現已專員迎催俟其到時卽盡數先派赴孝感
統歸額勒金保等管轄調度俾得迅速集事均

奏入

上命軍機大臣傳諭永保明元景安祖之望曰孝感
賊匪聚集胡家砦乘間滋擾經該署道祥鸞知會
領兵將弁分路進攻斃賊多名所辦尙好惟因賊

匪狡詐預行埋伏官兵致被抄截未免輕進墮賊
奸計叅將劉景齡傅成明都司哈豐阿把總蔡國
棟馬文亮分投殺賊俱屬奮勇因兵少遇伏先後
受傷陣亡殊爲可惜著永保查明咨部賜恤盤獲
探信賊匪之守卡鄉勇嚴道生周士冕均著賞給
九品頂戴至胡家砦賊匪現因兵力無多不能卽
時剿淨但總須嚴密防堵勿使乘間他逸現在明

亮已帶兵六百名前往孝感而續調江西兵一千名亦陸續可到合之該處抽撥兵丁已不下二千餘名明亮素經行陣惟當察看情形妥爲布置速將賊匪剿捕淨盡固不可冒昧輕進亦不可坐失事機武昌漢口等處最爲繁庶易生窺伺明亮惟當將孝感賊匪速行剿淨則武昌一帶民情自可安戢祖之望雖未帶兵打仗而在省城調撥防堵

尚爲合宜該藩司務須悉心籌辦俾省城及漢口
一帶俱能安堵無虞卽伊之功至景安回駐豫楚
邊境辦理撫綏事宜所見甚是現在永保等剿捕
賊匪景安自應駐劄交界處所督率地方州縣實
力撫綏且恐有潰敗賊匪潛行逃至豫境亦可留
心查察嚴密堵截若豫省本境尚有教匪藏匿並
當不動聲色權宜安頓俟湖北大定該撫回省後

再行實力辦理以淨根株

十八日

壬辰

孫士毅福寧奏言

臣

等夾攻旗鼓寨

適久雨開霽彼此知會發兵會剿

臣

孫士毅督

率將士一從紅巖堡渡河一從高洞橋前進一

令馬鬃嶺蘇家堡將備合爲一處作三路進發

臣

福寧督率副將慶溥等從張家嶺渡河前進

鎮臣諸神保率同備弁從大堰坪渡河前進賊

人竟敢分路抗拒我兵奮力痛擊正在攪殺之際忽有一股匪徒約二三千人向龍山河邊行走意欲暗抄我兵之後來襲縣城

臣

福寧以龍

山關係緊要卽令慶溥將兵抽撤趕至河邊賊匪正欲渡河遂痛加堵剿諸神保亦恐龍山有失將兵撤至河邊併力夾擊賊匪不能逞志回

至高阜駐紮

臣

孫士毅處三路俱距賊巢較近

守備阿克東阿蘇榮煥等帶同土兵將賊營頭
卡攻破殲戮無算並燒燬賊人屯穀一二千石
賊人以巢穴將破捨命撲鬪我兵一面將撞木
毀賊營柵一面拋入火彈燒燬賊穴數十間詎
大雨如注不得不暫行駐紮臣福寧處擒獲賊
匪九人內李老八一名係戕害來鳳縣知縣莊
紉蘭之賊經莊令之子莊念謀指認確鑿立將

此賊手刃以報父讐又有周滕氏係假裝降神
惑衆帶賊打仗之女犯均卽凌遲處死餘俱正

法臣孫士毅處獲犯二十三人是日攻克賊營

頭卡時土叅將銜澤旺朋土千總阿吉把總黃

國珍直前殺賊黑夜中鎗陣亡臣福寧處有都

司許天元之子武生許昭茲隨營効力及龍山

縣武生王文榜隨同殺賊被賊刀砍陣亡諸神

保處渡河進剿時失水淹斃外委劉陞廕生劉朝品陣亡外委汪奉彩楊學上此次雖未能盡數洗蕩然剿殺實多現今將士畧爲休息再圖奮力夾攻再_臣等自合兵痛剿之後該匪等屢撲蘇家堡馬鬃嶺等處欲向龍山咸豐竄逃幸該處叅將孫起龍悉力堵剿賊匪節次衝突俱經殲戮並未逸出一名

同日畢沅舒亮奏言臣等前因偵知當陽賊匪

思欲分起潛逃預爲防範於西北隅另立礮臺一座高出城牆六七尺斜轟東門缺口子牆仍於各路預設伏兵以備逸出迎擊詎賊於初二日由西門逸出二百餘人直撲礮臺兵勇鎗箭齊發立斃二十餘名生擒二名帶傷者甚多均各竄入死守又潛於西北兩門交界城牆之下

挖掘一洞直通城外龜背山經巡哨兵丁查覺
臣等隨派將備帶領兵勇於洞口附近嚴謹把
守潛伏以待賊果於初五日半夜逸出二三十
名俱被兵勇隨出隨殺並未走脫一名初六日
黎明賊復分起由西北兩門擁出各三四百人
意圖焚燒礮臺搶刦糧食經兵勇礮轟鎗擊賊
衆不敢近前適各路伏兵聞聲飛奔而來賊人

一見轉身奪路入城數日抵死固守不敢復行

逸出_臣等因天氣晴霽浟竹木乾燥多備火

彈火箭挑選精銳兵勇於初八日五鼓一齊拋

射入城四門近城棚廠俱係蓆片苫蓋礮臺亦

有木架登時火起靠城房屋亦多延燒城內喧

沸之聲不絕_臣舒亮等帶領兵勇五六百人乘

勢搶上缺口乃逆賊拒守益堅鎗石灰瓶一齊

亂下並用水澆潑驟如雨下我兵並不稍形退
怯鄉勇頭人行營千總王福岳士甲首先登城
手刃數賊中鎗傷斃其餘兵勇亦有數名帶傷
均不甚重現查四門內賊棚礮臺殆盡賊已失
所憑依圍攻必易得手連日提訊生擒賊匪張
德等據供城內米糧火藥無多商議逃赴宜昌
等處入夥當卽正法梟示現在設法轟去子墻

不令逆賊久延殘喘均奏入

上命軍機大臣傳諭孫士毅福寧畢沅曰此時官兵已遍旗鼓寨賊巢孫士毅福寧務須倍加奮勉並力合擊將賊匪剿捕淨盡其龍山咸豐一帶尤當嚴密防範勿使賊匪乘間竄入此次攻克賊卡之守備阿克東阿蘇榮煥俱著卽以都司陞用所有殺賊陣亡之士叅將銜澤旺朋等俱著各部加等

議卹澤旺朋仍著加賞銀一百兩阿吉仍加賞銀五十兩並著准其子弟承襲畢沅等攻圍當陽已久此次奏到情形雖將賊匪窩棚礮臺焚燬並將逸出之賊悉行剿殺但仍未能直入縣城擒獲賊首畢沅等惟當就現有之兵乘此賊匪慌張窮迫之際勉力進攻及早蕪事斷不可令其久延殘喘或致乘間衝逸其登城殺賊中鎗身斃之鄉勇頭

人行營千總王福岳士甲並著咨部加一等議卹
又孝感教匪滋事急須搜捕今明亮已帶兵前往
相機進剿該處賊匪本屬不多或餘匪稍有竄逸
尚易搜捕惟賊首必須悉數擒獲不可僅事剿散
又致竄入他處勾結煽惑

十九日巳癸楊秀奏言查鍾祥縣爲省城上游門

戶宜城縣屬之流水溝又爲鍾祥上游要隘該

處倘被賊匪竄入以下俱屬平坦之處實關緊要

臣

於二十七日馳至流水溝率同副將白守

忠都司李芳守備馮培元及河南汝寧營叅將

廣福帶領兵弁會同鍾祥縣知縣周季堂督率

義勇分道前進相機攻剿適遇賊匪數千人自

北來撲我兵奮力爭先鎗箭齊發斃賊無數並

擊斃紅衣乘馬賊目三名搶獲馬匹器械匪徒

且戰且走我兵又斃賊數十名初四日探知賊
匪復集衆東竄漸近鍾祥之香花園該處亦爲
鍾祥門戶且路通安陸府城及鍾祥豐樂驛等
處流水溝相距稍遠難以兼顧當卽帶兵於豐
樂驛以上紮卡迎擊但賊勢頗衆我兵稍單臨
陣間有損傷初七日探知賊匪又欲東移臣於
山口設伏斃賊甚多賊衆俱向宜城之田家集

南泉畝二處竄入查田家集南泉畝香花園俱
在鍾邑東山之外該處山路叢雜處處可以偷
越現察賊勢迤東棗陽大兵正當得勢不敢再
往上游迤西宜城又有襄河爲障茲雖逼處山
中難免計圖南竄臣卽率同該縣周季堂於各
處可以兼顧之處分段密設營卡駐兵集勇聯
絡聲勢嚴密防堵俾逆匪不敢稍萌窺伺之心

奏入

上命軍機大臣傳諭永保恒瑞曰鍾祥爲武昌上游
門戶關係緊要楊秀帶兵至彼兩次截殺賊匪現
俱竄往宜城之田家集南泉畝二處屯聚必須嚴
密防堵勿使賊匪竄逸方可一鼓殲擒該處與棗
陽接壤前據永保等奏棗陽附近賊匪業已剿散
竄往蔣家塢正當乘勝剿捕卽日帶兵馳赴鍾祥

與楊秀會合夾擊將宜城鍾祥一帶賊匪殲除肅清地方再行酌量情形如孝感賊匪尚未剿淨卽先赴該處幫同明亮搜捕永保等不可再有稽延致賊又復他竄

二十日甲午恒瑞永保慶成鄂輝奏言臣等於初

七日帶兵進抵滾河北岸雷家埠口其賊營在梁家岡梁家坳高阜處屯劄於緊對雷家埠口

南岸董家岡上設卡數處周圍佔據

臣

等隨於

各營內挑選奮勇精兵派副將穆維王文雄等

帶領於初八日五更渡河乘其無備殲戮守卡

賊匪立將董家岡賊卡奪獲

臣

等卽移於董家

岡剗營察看賊營結聯數里中隔水田又有深

溝一道賊人早經積水爲阻擋官兵之計惟左

右兩邊尙可覓路前進當卽分撥整備一面知

會總兵德齡囑令酌帶弁兵前來策應初九日

黎明臣恒瑞慶成帶領巴圖魯侍衛德勒克哲

克等並滿漢馬步官兵由左進發總兵富成率

同副將穆維等帶領官兵由右進攻臣永保鄂

輝率同副將王文雄等由中路直抵水田塍邊

以備接應賊人先見右邊官兵雲集卽抵死拒

敵經總兵富成督同將備奮力前進斃賊甚多

維時賊營內忽齊聲喊叫懇求不必施放鎗礮

情願投出

臣

永保等聞信恐係詭詐密遣人告

知恒瑞慶成及總兵富成兩路加意隄防未及

片時果見左首東南一帶有無數白旗飛奔而

來其勢直抄左邊官兵後路

臣

恒瑞慶成當以

後兵作爲前隊翻身迎擊先令直隸兵丁施放

進步連環並督率巴圖魯侍衛及各隊馬兵往

來衝殺適總兵德齡帶兵趕到賊匪見兵力驟
添始行慌亂官兵趁勢併力攻剿將執旗賊匪
擊斃數人我兵自辰至未奮勇不懈賊匪力不
能支紛紛逃竄臣等復率領官兵進剿十餘里
沿途痛加截殺因天氣傍晚暫行收兵次早復
分路進兵追捕餘黨殲戮男婦無數生擒活賊
二十一名審據供稱梁家岡等處原有賊匪數

千蟻聚日久今見官兵到來捨命抵禦連日死者男婦約有過半餘皆逃竄東南一帶該處另有屯聚賊匪並訊賊目喬之清等四人俱先後被鎗打死至賊首姚之富並不在此起賊內不知逃奔何處劉之協實未經見過隨卽分別凌遲梟示此次官兵陣亡者不過數人惟直隸龍泉關都司馬國璽於初九日與賊對敵督兵施

放鎗礮中暑身故臣等現在設法追捕未獲賊
日不令遠颺其一二星散餘黨亦必全數擒誅
並查探附近何處賊匪衆多卽先行上緊剿辦
以期及早廓清奏入

上命軍機大臣傳諭永保恒瑞曰永保等今日奏到
之摺不過奪獲賊卡殲斃賊匪情形並未能擒拏
賊首剿淨匪黨甚不滿意永保等追剿賊匪自當

將緊要首逆速行拏獲則其餘夥黨卽可不攻而潰今祇將無名賊目喬之清等殲斃四人而賊匪首逆並未拿獲前此解到匪犯會世興等卽係恒瑞等拿獲曾訊據供稱劉之協姚之富現在襄陽城外村莊內藏匿暗爲賊匪主謀本未在此起賊內承保恒瑞豈不知之現在賊匪所供自不足信承保等應派員會同地方官前往搜拿何得僅以

賊匪供稱不在此起賊內卽置不議且據永保等
奏稱追剿賊匪時殲戮賊匪男婦約已過半此等
帶眷奔逃之賊諒必係賊中首逆若祇係附從賊
匪豈能一一攜帶眷屬同逃乃永保等並未訊明
所殺男婦係賊首何人眷屬該處爲首之賊究係
何人僅稱敗逃賊匪竄入東南一帶此時賊匪究
在東南何處屯聚想必又往鍾祥孝感入夥勾結

永保等帶兵由何路進剿摺內俱未詳悉聲叙此等逃竄之賊總須預行布置截其去路方可兜擒痛剿若惟事跟蹤追捕則賊匪東奔西竄何日方能剿淨且賊匪四散逃逸到處勾結夥黨裹掠民人勢必日聚日多而未被賊擾處所又復受其蹂躪永保等豈得僅以剿散完事况賊匪現已逃竄何得尙稱未獲賊目不令遠颺恒瑞於軍旅之事

本未厯練永保較爲更事何所辦亦復若此永保等一路有直隸陝西山西河南山東等省調集之兵極爲壯盛今剿捕如此遲延則畢沅惠齡兩路之兵力較單者更無足怪矣至所奏賊衆齊聲喊叫不必施放鎗礮情願投降此乃緩兵之計賊匪中被脅附從之人固屬不少但臨陣殺賊時總須痛加殲戮不可墮賊奸計也所有此次中暑身故

之都司馬國璽著咨部議卹

二十二日

丙申

成德惠齡富志那文圖奏言

臣等

自前次佔奪王母洞賊卡以後逆匪因官兵據其險要可以直瞰巢穴不時遣其匪黨由獅眠坳礮筒屋廠下至山溝向上撲奪時時出擾我兵從上歷下彼卽遁去稍爲休息又復潛來覲覷臣等於五月二十八九等日分帶官兵冒雨

直前先將獅眠坳賊卡圍住叅將許文謨首先
跳入卡內同知鄭成基督勵官兵一湧而入殺
死賊匪一百餘人餘皆跳崖逃去跌斃無數時
礮筒屋廠之賊聞聲來救千總朱槐署縣丞張
世維率領兵勇已將該卡襲取兩路夾攻賊匪
披靡奔竄協領寶德督兵絕其歸路三面痛剿
未使一名漏網是夜大雨如注至初七日天始

開霽臣成德等督兵攻取石門坎賊卡臣富志

那等督兵攻取賈家腦賊卡臣文圖等督兵攻

取丁家大山賊卡副將張持等督兵攻取白家

塹賊卡侍衛關騰等督兵攻取鄭家坪賊卡臣

惠齡督率兵勇攻取野猪池賊卡同時並進將

各卡悉行奪獲惟副將張持等業將白家塹賊

卡圍住而卡內賊匪抵死抗拒臣惠齡臣文圖

追賊至彼會合剿殺賊衆紛紛潰逃遂將白家
壩賊卡奪獲復乘勝佔據羅羅洞賊卡初十日
仍分路進兵將深冲腦綿羊腦江家壩賊卡同
時奪佔復於十一十二兩日分撥將弁搶奪王
家坪賊卡統計五晝夜連奪賊匪要卡十三處
小卡七處所殺賊匪及墮巖落澗者不可勝數
一面於深冲腦綿羊腦礮筒屋厰安設大礮轟

擊雖賊巢外尙有四五賊卡不難卽時奪佔長
驅直入一鼓擒渠

同日惠齡又奏言接據宜昌府王春煦稟稱榔
坪賊匪分遣黨與於本月初四日由長陽之馬
鹿沖擾至黃揚坡等處焚搶該府聞信卽帶行
營把總李宗熙投効革弁楊士清等率領鄉勇
四百餘人馳往迎捕並令典史錢聲遠等分帶

鄉勇繞至賊後以便兩路夾攻時值撲至半山
登時打死六十餘人錢聲遠等已從後繞至又
經追殺八九十人殺死白袍賊目一名生擒賊
匪田高一名訊據供稱林之華等聚有二三萬
人要想分搶歸州巴東各處等語當將該犯正
法再據施南府屬之建始恩施二縣稟稱五月
二十四日有巴東金鑲坪教匪聚有一千餘人

在建始縣之楊家壩河洛子恩施縣之支津河
大竹坪一帶滋擾俱經鄉勇人等併力擊退建
始縣趙源生恩施縣尹英圖現往交界堵拿各
等情查該三縣犬牙相錯且有別徑可通宜昌
之長陽施南之來鳳現在該二縣匪徒均未掃
蕩恐金鑲坪之賊或係榔坪之黨抑或另是一
起欲與長陽來鳳賊匪聯爲一氣俱未可定

臣

當飭令該縣等查明飛報並激勵鄉勇人等隨時相機堵剿一面飛催興漢鎮總兵德光帶兵星夜前來迅速剿捕以免滋蔓

同日德光奏言

臣

於初四日行至荊門州准甘

肅洮岷協副將觀祥將所帶官兵一千名點交帶領准湖廣督臣畢沅照會因孝感爲下游心腹比歸巴更爲緊要現已抽分五百名帶往其

餘五百名仍令前赴歸巴臣查孝感一帶逼近

武昌省城並漢鎮等處現在賊匪猖獗亟需早

爲撲滅若僅分兵五百名連前明亮所帶兵六

百名尙覺單薄不若將所帶兵一千名全數帶

往孝感協同明亮併力攻剿以冀迅速廓清於

附近省城要地更爲有益俟孝感等處掃平仍

將原帶之兵全數領赴長陽等處尅期剿辦以

得勝之師併力合攻自更易於集事畢沅現任
當陽不及面商臣一面具奏一面卽帶兵馳赴

孝感協同明亮進剿

同日景安奏言據差弁探稱棗陽東北丫兒山
內窩藏賊匪均有千人遣其夥黨於錢家岡卧
虎村一帶村莊焚掠距唐縣之張博士店桐栢
之鍾家岡皆三十里查該處賊匪若不立時搜

捕又恐蔓延爲患況恒瑞永保等大兵俱在棗陽之西南而丁兒山係在棗陽之東北並恐賊情詭秘抄襲大營之後尤須急行知會夾攻惟

臣

處僅有兵五百名當卽帶領前赴湖河口以

遏賊匪北窺之路如就近一帶村莊或有賊聚前來滋擾卽便帶兵撲剿一面知會恒瑞永保等分兵夾擊茲准恒瑞永保等覆稱日內正在

進剿惠家岡等處賊匪一俟廓清便可移兵迅

掃了兒山醜類臣侯恒瑞永保等自南而北臣

卽帶兵自北而南兩路會剿務期迅速剿淨均

奏入

上命軍機大臣傳諭永保恒瑞惠齡曰惠齡等此次

所辦甚好著賞給成德惠齡富志那文圖關騰玉

搬指大小荷包文圖等加賞提督銜遇缺卽陞叅

將許文謨除賞巴圖魯名號卽以副將陞用外仍
賞玉搬指大小荷包打仗奮勇兵丁並賞一月錢
糧其傷亡官兵並著查明咨部從優賞卹其在榔
坪守卡殺賊之知府王春煦典史錢聲遠俱著以
應陞之缺陞用革弁楊士清准其開復惠齡等務
須倍加奮勉速奏捷音以便合兵就近移往榔坪
一帶擒拏林之華併力搜剿餘黨至孝感地方緊

要屯聚賊匪急須剿捕德光將所帶陝兵全數帶往孝感協同明亮併力進剿所見甚是現據惠齡等催令德光速赴榔坪今德光已往孝感勢難分身竟應將孝感賊匪先行剿淨再與明亮合兵速赴榔坪會同攻剿更可得力此時明亮諒已早抵孝感又有德光帶領陝兵一千名前往協助務須迅速剿辦毋住該處賊匪又復乘間竄入他處勾

結滋事又景安奏襄陽東北了兒山地方有窩藏
賊匪咨會永保等分兵夾擊而永保等以進剿惠
家岡賊匪正當喫緊之時未可分兵祇可如此辦
理了兒山窩藏賊匪不過襄陽一帶剿敗竄逃之
賊在彼潛匿此時景安惟當督飭兵弁於要隘處
所嚴密防堵勿令他竄候永保等將惠家岡一帶
賊匪剿淨後再行分兵前赴了兒山會合夾擊搜

捕淨盡

上諭內閣曰惠齡將軍營出力人員開單具奏此次
灌灣腦一路文武員弁督勵兵勇不避艱險奮勇
剿賊連克賊卡十三座現已緊逼賊巢數日內卽
可蕆事殊屬可嘉叅將許文謨著賞給繼勇巴圖
魯名號以副將卽用協領寶德同知鄭成基著賞
戴花翎千總朱槐著賞戴藍翎以守備卽用把總

龐樛署縣丞張世維著賞戴藍翎守備劉貴朝千
總趙天相黃武林把總劉秉陽趙朝珍通判高舉
知縣傅文炳縣丞李惟清州同陶紹祝均著以應
陞之缺卽用以示獎勵

二十八日壬寅畢沅舒亮奏言臣等自初八日焚

燒賊人窩棚之後該賊仍搜城固守連日細詢
緝出良民咸稱賊首楊起元爲五寨總頭目自

稱大元帥狡惡非常衆兇聽其調度賊中夥匪
見_臣等節次射入告示宣布

恩旨許以立功自贖尙多首鼠狐疑惟楊起元怙惡
不悛凡有投出良民留城眷口盡遭屠毒_臣等

公同商酌若得將該犯殲除衆賊失所依恃自
易辦理適鄉勇頭人楊宗周稟稱與在城巡夜
之軍犯王之亮熟識於十四日三更怕令縋下

業經密行約定將楊起元設計縛獻或割取首

級投首免死

臣

等以計斬首逆事在虛實未分

難以深恃仍令各門加緊攻打十五日賊匪猝

開北門蜂擁衝出直撲北營

臣

舒亮立即督同

總兵阿克棟阿等迎擊立斃賊人一百餘名並

將其餘賊前後截住悉數殲斃生擒四名審無

要供當卽正法二十日五更王之亮包裹楊起

元首級一顆帶同眷口六人俱由城縋出自詣
軍營投獻

臣

等詢據王之亮供係四川人乾隆

三十九年犯事發配當陽遇赦釋回後復來城
內被教匪裹住派隨大頭目楊起元辦事前見
總督及將軍射進告示許以能殺賊首即可免
罪且見賊人旦夕滅亡隨於本日四更時分見
楊起元前來催令上城抵禦將他哄至屋內喫

茶乘其不備立時斬取首級用布包裹背帶家

口六人投至大營臣等隨令前此縋出良民及

義勇羅成六等細認咸稱實係楊起元首級並

無假捏當卽懸掛東門大營兵勇無不人人稱

快士氣倍增一面將王之亮給與頂戴楊宗周

優加賞賚並密察城中賊黨因屢被殺敗張皇

無措今見首逆授首更形慌亂首逆旣得賊情

自潰_臣等現在督率兵勇加緊攻打可期刻日
進城掃洗

同日永保恒瑞慶成鄂輝奏言查滾河以南白
水寺等處賊匪因官兵逼剿緊急俱向東北潛
移歸入棗陽正東丫兒山屯聚賊夥在張家壩
一帶連營十餘里大小營二十餘處查該處向
北可通河南桐柏唐縣正東由山路可通隨州

臣等於十五日帶領官兵由西南折而東趨卽

分兵於黃龍岡草店駐紮十七日天氣晴霽河

水漸消臣等隨分撥整備一而知會河南撫臣

景安在北路湖河口一帶嚴緊堵禦以防逸匪

竄入臣等先於各營內挑選勇健精兵各帶火

彈噴筒卽於十八日子刻臣恒瑞慶成及總兵

富成率同巴圖魯侍衛等渡河直趨南望城固

一帶將各項火器在前排列一近賊營卽向內
齊發烟焰騰空火光燭天賊人正在慌忙救急

間片永保鄂輝及總兵德齡率同巴圖魯侍衛

並各隊奮勇千把馬步兵丁卽渡河進取張家

壩時值昏夜賊人不知我兵虛實遂分投抵拒

又有無數賊匪從中間數營內衝突而出分路

助惡連次欲抄繞左右官兵之後均經殲斃比

及天明察看左邊已搶得賊營八處右邊大小
賊營五處俱已隨時縱火焚燒除受傷及著鎗
中箭殲斃者不計外餘俱退入中間各營內死
守不出查一夜之間將賊營焚燒奪佔十二三
處尚有十餘處賊營俱在岡頂屯紮地勢較高
週圍刨挖深濠以防我兵進路臣等督率各隊
官兵仍將賊營前後擇要攻取並一面密派奮

勇步兵搬運左右賊營內燒剩木板柴草立將
西南西北一帶深濠填塞一齊衝擁而入縱橫
剿殺自辰至午殲戮無算各匪力不能支紛紛
潰亂我兵乘勝痛剿立將連營十數處同時奪
獲今行焚燒賊俱棄營而逸臣等隨帶各隊官
兵復併力窮追十餘里統計一晝夜間賊衆被
官兵焚剿及自相踐踏死者約有三四千人生

擒活賊一百餘人內有傷而未死賊頭宋廷貴
陳正五二犯訊據供稱張家壩一帶賊匪劉起
榮張護國李大樹三人爲首其姚之富已早往
鍾祥一路劉之協不知現在何處小頭目共有
五六十名此時存者不知尚有幾人至劉起榮
等向不在營居住每逢打仗只在遠處觀望一
見衆人敗退卽先行逃逸從前皆係如此舉動

今又不知逃往何處等語隨將該犯等槩行凌遲梟示其逃回被脅男婦大小三千餘人當飭交襄陽府縣查明令其歸莊各安本業此次官兵殺賊自晝及夜酷暑炎蒸毫不稍懈惟查有山西太原鎮標左營千總趙瑗額外外委武靜藩二員因奮力殺賊被傷陣亡滿漢兵丁內亦有受傷陣亡者容俟查明咨部至此次潰散餘

匪及未獲賊首探得俱向東南逃至附近東北
各山內連日差派將弁分帶官兵逐細搜查實
無賊匪竄匿是豫省交界甚屬安堵可無他虞
同日成德惠齡富志那文圖奏言臣等查灌灣
腦賊巢內教匪固多而被擄脅從者亦復不少
此等愚民身雖從逆心尙求生惟因張正謨等
強橫兇悍人人畏懼是以首鼠兩端必須曉以

大義先行解散庶賊匪等黨與旣孤殲除白易
當卽繕就簡明告示射入賊巢諭以能自投出
者毋論習教脅從俱當仰體

皇仁槩予免死數日以來挈眷投出者已有數起內

有被擄入山者亦有先雖習教現已改悔求免

一死者_臣等當卽面加詰訊據稱張正謨等自

知罪大惡極與其黨夥數千人寧死不降並恐

伊等潛行解散凡有私逃者捉回卽行殺死是以山上之人甚多皆畏死不敢投出今我等乘連夜大雨陸續逃出投首情願於打仗時在官兵鄉勇之前同往殺賊等語臣等派委員弁安爲看守眷屬另處安插俟臣等進剿時帶同前往令作嚮導該逆等已經臣等四面圍住斷難逸出若從此併力進攻逆匪等人人拚死爲困

獸猶鬪之計未免轉多費手

臣

等現用大礮四

面轟摧俾令救死不暇勢必內潰數日內即可

毀巢直入一鼓殲擒至榔坪賊匪林之華等前

此戕害官兵勢甚猖獗自五月初旬遁回榔坪

之後並無動靜並聞該匪等分作五寨各有四

五千人前經飛催德光帶兵速進詎德光行至

南漳因山水阻隔卽帶兵取道宜城由荊州大

道進發適明亮帶領滿漢兵六百名前往孝感
督剿因與畢沅會商將德光所帶兵內撥出五
百名分往孝感協助而德光又以所帶之兵僅
止五百名不敷剿榔坪之賊亦已奏明將餘兵
五百名一併帶赴孝感現據該府州縣稟報林
之華等分遣黨與一由歸州進擾九州大路一
由秀峰橋將長陽之要卡小峰垭攻破該二處

均無一兵且該匪若由小峰埡直向東來不但
長陽處處可危而相離灌灣腦賊巢亦近萬一

前來與張正謨會合益難接應至

臣

文圖所帶

之兵現駐綿羊腦山梁實爲賊巢後路要隘萬
難移撤且查賊巢四面路徑如梳現在兵勇星
羅碁布業將張正謨等密行圍住若稍有撤動
恐賊匪卽從此突出轉使前功盡棄

臣

等不得

力卽畢沅等亦應將當陽縣尅期肅清前赴榔坪
協剿豈得各守一方轉爲賊匪牽綴以致榔坪之
賊任其肆擾今伊二人旣未能迅速剿竣而榔坪
賊匪勢頗猖獗因思孝感之賊本屬不多明亮已
帶兵一千前往搜捕昨又據德光奏亦將所帶之
兵赴彼協剿合之該處調撥之兵已有三千餘名
諒此烏合么廝自無難卽日掃除明亮等務須速

爲剿滅卽與德光將該處剿賊之兵全數帶往榔
坪奮力攻擊倘一時未能剿淨祇須明亮帶兵在
彼搜剿未獲要賊應令德光將原帶之兵千名先
行帶赴榔坪攻剿庶賊匪不致日聚日衆四出滋
擾看來湖北剿捕事宜總因聽無能之督撫紛紛
調撥以致派往榔坪之總兵文圖先爲惠齡檄調
而去楊秀又經畢沅調赴鍾祥而德光先經惠齡

催赴榔坪及行至南漳復經畢沅檄令抽兵前赴
孝感該督撫等彼此檄調不但帶兵將領無所適
從而顧此失彼轉致榔坪賊匪無人剿辦殊屬不
成事體至張家塢一帶屯聚賊匪經永保等分路
奮擊將賊營二十餘處全行焚燒殲賊甚多深爲
可嘉此次打仗各兵丁等實爲出力著加恩賞給
一月錢糧領兵將弁著交部議叙其殺賊陣亡之

千總趙瑗外委武靜藩俱著咨部加一等賜卹又
永保等奏訊據獲犯供稱張家壩賊匪係劉起榮
張護國李大樹爲首姚之富已往鍾祥劉之協不
知下落是該處賊首尙在竄逸並據稱探得賊匪
等俱往東南逃遁自必向鍾祥一帶復行竄聚鍾
祥祇有總兵楊秀在彼較爲單弱若張家壩之賊
復行竄入賊數增多永保等務須倍加奮勉悉力

追剿並設法兜擒截其去路將賊匪剿淨無遺卽
日移兵鍾祥當陽榔坪一帶相機剿捕迅速集事

同日

上諭內閣曰永保等奏張家瑞擊剿賊匪將奮勇官
兵分別等第開單請旨親軍校默爾賡額著補放
三等侍衛二等侍衛德勒克依著賞芬圖禮巴圖
魯名號藍翎侍衛哲克著賞期成額巴圖魯名號

副將王文雄著賞法福禮巴圖魯名號仍各賞銀
一百兩遊擊穆克登布那寧阿都司李天麟劉邦
治守備岳崇阿楊治正俱著賞戴花翎前鋒隊長
扎勒杭阿把總趙一元夏攀龍武舉馬昌傑外委
延臣俱賞戴藍翎

上又諭內閣曰永保等奏剿殺張家塢一帶賊匪
開打仗出力各員總兵德齡帶兵焚擊賊營身先

士卒尙爲奮勇者賞戴花翎其隨營打仗之直隸
守備李英多千總蕭永齡亦屬奮勇李英多著陞
補龍泉關都司所遺守備員缺卽著蕭永齡陞補

二十九日癸卯福寧奏言臣於六月初二日親赴

紅巖堡與孫士毅會商一切見孫士毅精神十
分委頓實有難以支持之勢據云如果不能痊
愈平塊地方現有將軍觀成在彼防守後路尙

無緊要事件即可囑令前來接手辦理我卽仍

回平塊照料後路倘觀成不能一時脫身則令

諸神保防守龍山囑臣移駐紅巖堡軍營兩面

夾攻卽可集事此時孫士毅病勢日重一日湯

水不能稍進臣詢之將弁人等知現在土兵業

已到齊孫士毅又令重慶新鑄威遠大礮四尊

現已運至軍營儘可與臣兩面夾攻一舉蕪事

豈料忽因重疾以致稍有耽延孫士毅病勢已

重現在萬山之中勢難駐紮臣發摺後卽令將

弁妥爲照料送至平壩以冀日漸痊愈臣卽在

紅巖堡軍營彈壓如果機有可乘亦不必再等

觀成到來以致坐失事機奏入

上命軍機大臣傳諭永保福寧景安曰孫士毅病勢已劇看來竟恐不起覽奏實深惋惜孫士毅歷任

封疆屢著勞績此次因湖北教匪滋擾來鳳卽帶
兵親赴該處督率協剿連得勝仗奪獲賊卡進攻
旗鼓寨方資調度剿辦掃除賊匪迅速集事朕原
欲俟大功告竣加封公爵乃因勞成疾難以就痊
悼惜之餘更無可諭如竟因病身故卽著加賞公
爵並於川省軍需項下賞給銀五千兩交藩司林

德壽辦理料理身後之事一切分例俱照公爵辦理

並派委妥員護送靈柩回至浙江原籍屆期再降
諭旨令伊長孫承襲伯爵以示眷念蓋臣恩施格
外至意現在旗鼓寨剿捕賊匪正在緊要該處帶
兵將弁及屯土兵丁急需大員督率福寧自應一
面將四川督篆暫行接署一面卽令觀成速來督
率一切方合機宜乃又心存拘泥並未籌辦及此
殊不知事體緩急現在孫士毅已患病沉重所有

四川總督印務及該處剿捕事宜均著福寧接辦
並著卽會同觀成諸神保督兵夾攻以期迅速剿
捕淨盡福寧務須倍加奮勉立功自贖勿再拘泥
遲延至永保現在張家塢一帶痛剿賊匪乘勝進
擊湖北軍務現交伊督率調度所有湖廣總督印
篆卽著福寧派員送交永保暫行署理